

WFB

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA ČELIĆ  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND  
HERZEGOVINA  
TUZLA CANTON  
ČELIĆ MUNICIPALITY  
MUNICIPAL MAYOR

Tel: 035/668 650 A. Izetbegovića 60-2. 75246 Čelić E-mail: info@opcinacelic.ba  
Broj: 02-45-2126/24  
Čelić, 30.08.2024. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17), na preporuku komisije za nabavku broj: 05-45-2126/24 od 30.08.2024.godine, u postupku javne nabavke radova „Izgradnja Centralnog spomenika šehidima i poginulim borcima općine Čelić, MZ Čelić – faza II”, Općinski načelnik donosi:

**O D L U K U**  
**o izboru najpovoljnijeg ponuđača**

**Član 1.**

Prihvata se Preporuka Komisije za javnu nabavku broj: 05-45-2126/24 od 30.08.2024.godine i Ugovor o izvođenju radova „Izgradnja Centralnog spomenika šehidima i poginulim borcima općine Čelić, MZ Čelić – faza II”, dodjeljuje se ponuđaču d.o.o. „Papillon“ Koraj-Čelić, ponuda broj: 66/24 od 26.08.2024.godine, zaprimljena na protokol ugovornog organa dana 27.06.2024.godine, sa najnižom ponuđenom cijenom i nakon održane e-aukcije u iznosu od 223.150,00 KM bez PDV-a.

**Član 2.**

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

**Član 3.**

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

**O b r a z l o ž e n j e**

Postupak javne nabavke pokrenut je odlukom o pokretanju postupka javne nabavke broj: 02-45-2126/24 od 01.08.2024.godine. Javna nabavka radova „Izgradnja Centralnog spomenika šehidima i poginulim borcima općine Čelić, MZ Čelić – faza II” provedena je putem otvorenog postupka. Procijenjena vrijednost javne nabavke iznosila je 223.444,00 KM bez PDV-a. Obavještenje o nabavci broj: 306-1-3-103-3-39/24 objavljeno je na Portalu javnih nabavki dana 02.08.2024.godine.

Komisija za javne nabavke imenovana rješenjem o imenovanju komisije za nabavku broj: 02-45-203/24 od 22.01.2024.godine nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o pregledu i ocjeni ponuda broj: 05-45-2126/24 od 27.08.2024.godine, preporuku o izboru

najpovoljnijeg ponuđača broj: 05-45-2126/24 od 30.08.2024.godine i izvještaj o radu komisije broj: 05-45-2126/24 od 30.08.2024.godine.

U postupku po Izvještaju o radu utvrđeno je da je Komisija blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno tri ponude i to: „ELEKTROCENTAR PETEK“ d.o.o. Tuzla, „Ideal“ d.o.o. Brčko i d.o.o. „Papilon“ Koraj-Čelić,
- da su blagovremeno primljene tri ponude,
- da nije bilo neblagovremeno primljenih ponuda,
- da je ponuda ponuđača „ELEKTROCENTAR PETEK“ d.o.o. Tuzla ocijenjena kao neprihvatljiva te je odbačena,
- da ponude ponuđača „Ideal“ d.o.o. Brčko i d.o.o. „Papilon“ Koraj-Čelić ispunjavaju kvalifikacione uslove te su ocijenjene kao prihvatljive.

Pregledom i ocjenom ponude nisu uočene računске greške kod ponuđača.

Pregledom i ocjenom ponuda utvrđeno je da je ponuda ponuđača „ELEKTROCENTAR PETEK“ d.o.o. Tuzla neprihvatljiva. Naime, procijenjena vrijednost nabavke radova je 223.444,00 KM bez PDV-a (Obavještenje o nabavci broj: 306-1-3-103-3-39/24 od 02.08.2024.godine). Ponuda ponuđača „ELEKTROCENTAR PETEK“ d.o.o. Tuzla broj: UP0148-24-JN od 21.08.2024.godine, zaprimljena na protokol ugovornog organa dana 26.08.2024.godine, za nabavku predmetnih radova iznosi 277.665,00 KM bez PDV-a. Član 2. stav (1) tačka l) alineja (2) Zakona propisuje da je neprihvatljiva ponuda ona ponuda čija cijena prelazi planirana, odnosno obezbijeđena novčana sredstva ugovornog organa za nabavku. Član 5. stav (1) Pravilnika o uslovima i načinu korištenja e-aukcije (“Službeni glasnik BiH”, broj 80/23) glasi: “Prije zakazivanja e-Aukcije ugovorni organ vrši početnu ocjenu ponuda, što uključuje provjeru računске ispravnosti ponude i objašnjenje neprimodno niske cijene, te u sistem e-Nabavke unosi sve prihvatljive ponude definisane članom 2. stavom (1) tačkom l) alinejom 1) Zakona. Stav Agencije za javne nabavke broj: 04-02-1-9-2/23 od 13.01.2023.godine koji glasi:...” “U otvorenom postupku javne nabave i konkurentskom zahtjevu za dostavu ponude neprihvatljivost ponude se cijeni u tijeku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije .... U tom smislu, uvažavajući odredbe članka 2. stavak (1) tačka l), te članka 17. stavak (2) tačka h) Zakona mišljenja smo da je ugovorno tijelo obavezno ocijeniti, kao neprihvatljivu, ponudu čija cijena prelazi planirana, odnosno osigurana novčana sredstva ugovornog tijela za nabavu...” Imajući u vidu naprijed navedeno, Komisija je jednoglasno odlučila da je ponuda ponuđača „ELEKTROCENTAR PETEK“ d.o.o. Tuzla neprihvatljiva i uvažavajući odredbe člana 2. stav (1) tačka l) alineja (2) Zakona se odbacuje.

Pregledom i ocjenom ponuda utvrđeno je da ponude ponuđača „Ideal“ d.o.o. Brčko i d.o.o. „Papilon“ Koraj-Čelić ispunjavaju kvalifikacione uslove predviđene tenderskom dokumentacijom, te su ocijenjene kao prihvatljive. Navedeni ponuđači dostavili su tražene dokaze zahtijevane tenderskom dokumentacijom na propisan način.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 29.08.2024. godine u 14:45 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije kreiran 29.08.2024. godine u 14:57 h. U izvještaju je kreirana

konačna rang lista ponuđača koji su učestvovali u e-aukciji, prema kriteriju najniže ponudene cijene, a po kojoj je najpovoljniji ponuđač d.o.o. "Papilon" Koraj-Čelić sa najnižom cijenom, u iznosu od 223.150, 00 KM bez PDV-a.

Komisija za nabavku nakon ocjene ponuda konstatovala je da je najpovoljnija ponuda ponuđača d.o.o. "Papilon" Koraj-Čelić i predložila da se ugovor o predmetnoj nabavci zaključi sa ponuđačem d.o.o. "Papilon" Koraj-Čelić sa najnižom cijenom, a nakon održane e-aukcije u iznosu od 223.150, 00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

#### **Uputstvo o pravnom lijeku**

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa. Ponuđač je dužan dostaviti žalbu ugovornom organu najmanje u tri primjerka, a sve u skladu sa članom 101. i 105. Zakona.

Dostavljeno:

1. Ponuđačima (3x)
2. Komisiji za nabavke
3. Službi za urbanizam, stambeno komunalne, imovinsko-pravne i geodetske poslove
4. Za općinsku web stranicu
5. Evidenciji
6. Arhivi



**OPĆINSKI NAČELNIK**

*Admir Hrustanović*  
**Admir Hrustanović, dipl. oec**